



# Synfocity = 1000

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

August 28, 2025

## ❑ **Presbyterian Bible School (PBS)-in Farewell and Dedication Programme an hman**

August 22, 2025 (Zirtawpni) khan Presbyterian Bible School (PBS) chuan Batch 61-na pualin Farewell and Dedication Programme, Pi Zaii Hall, Synod Conference Centre, Mission Veng an hman.

Programme hi Rev. Lalengzika, Principal-in a kaihrui a, Rev. K. Lalthlengliana, PBS zirtirtuin report a pe a, Rev. Dr. Rosiamliana Tochwang, Executive Secretary i/c PBS-in zir chhuakte hnenah Certificate hlanin thuchah a sawi a, exam-a ti thate hnenah Rev. B. Zohmangaiha, Synod Secretary (Jr.)-in lawmman a hlan a, class kai kim te hnenah Rev. Lalremliana, PBS committee member-in lawmman a hlan a, Pu C. Awithanga Award chu Pi R. Lalñanpuui'n a hlan bawk.

PBS-ah hian a din tirh atangin tun thleng hian zirlai 2845 an awm tawh a, chung zinga 2380 chuan tha takin an pass tawh a. Tuna batch 61-naah hian zirlai 40 an awm a, zirlai 29-in tha takin an pass a ni.

Exam-a ti tha zual pathumte hnenah lawmman ₹ 1000/-, ₹ 700/-, ₹ 500/- leh lawmpuina thuziak PBS Committee hminga hlan a ni a, chungte chu:-

1-na - Reuben Lalmuansanga s/o C. Lalramhluna, Thingsulthliah Kohhran

2-na - Zion Lalramhlunchunga s/o H. Lalrinchunga, Tualte Kohhran

3-na - Christina V.L. Chhandami d/o Lalramchhana, Hlimen Damveng Kohhran.

Batch 61-na zirlai zingah hian class kai kim mi pali hnenah lawmman ₹ 500/- theuh hlan a ni.

Kum 2014 atangin Christian Theology subject leh Kohhran Inrelbawlina & PCI Danpui subject-a ti tha ber te hnenah Pu C. Awithanga Award hlan thin a ni a. Batch 61-naah hian Kristian Theology subject-ah Lalpamawii Sailo-in a dawng a, Kohhran Inrelbawlina & PCI Danpui subject-ah Reuben Lalmuansanga'n dawng a, award hian ₹ 2000/- a keng tel a ni.

## ❑ **Synod Telephone Directory 2025 tlangzarh**

August 26, 2025 (Thawhlehi) chawhma dar 10 khan Synod Office Devotion Hall-ah Synod Telephone Directory 2025 chu Rev. Dr. Rosiamliana Tochwang, Executive Secretary-in a tlangzarh.

Tlangzarh inkhawm tawi hi Pu Lalniliana, Synfo Coordinator-in a kaihrui a, Directory siam a nih dan report tawi a pek hnuah Rev. Dr. Rosiamliana Tochwang, Executive Secretary i/c Synfo-in Pathian hna hlanin a tlangzarh a ni. Synod Telephone Directory hi Kohhran tin leh Synod hnuai Department tinten copy khat zel Synod Office-a Mamawh lamnaah lam theih a ni ang a, hei bakah hian a mamawh leh duh apiang tan Synfo Department, Synod Office, Annex Building-ah ₹ 60/-in a lei theih a ni.

Synod Telephone Directory hi kum 1996 atang khan buatsaih tan a ni a. Hotute an inthlak kum apiangin Edition thar buatsaih a ni deuh zel a. Amaherawhchu, kum 2016-a Directory tihchhuah, Ninth Edition bak kha chu a hnuah tihchhuah a la ni leh ta lo a ni.

Directory thar hi tun hmaa Synod Directory lo chhuak tawhte ai chuan a bu a chhahin pheh 353 lai a ni a. Hetia a chhah tak viauna chhan chu Directory hmasaa a la tel ngai lo, Pro Pastor leh Missionary zawng zawng dah luh thar an ni a, a hmaa Aizawl khawpui bik chauha Kohhran Committee member te dah luh thin kha Presbytery zawng zawng leh India ram khawpui liana Kohhran Committee member-te dah luh vek an nih tak vang a ni a, a bak thil thar eng emaw zat dah luh belh a ni bawk.

October 4, 2024 khan Synod Phonebook, Mobile Application, Android Version bik chu Synod Moderator-in a lo tlangzarh tawh a. Hei hi Siruk Firm, Chaltlang ten a thlawn vekin an siam a ni. A tira tlangzarh tak hi Android version niin tlangzarh a nih hnu hian tum hnih upgrade version tih chhuah tawh a ni a, tun tanga rei vak loha hian upgrade version tih chhuah leh tum mek a ni. iPhone hmangtute tan iOS version pawh July 30, 2025 khan hman theiha chhawp chhuah a lo ni tawh bawk.

## ❑ **Trust**

♦ August 21, 2025 (Ningani) khan Thingsulthliah Pastor Quarters sak mek enpuin Pu Lalhriatrenga, J.E a kal.

♦ August 25, 2025 (Thawhtanni) khan Lungleng Pastor Quarters thawm that tur en felin Pu Lalramenga Royte, J.E a kal.

□ **Lay Leaders' Training**

Synod Multipurpose Training Centre (SMTC) buatsaih Lay Leaders' Training vawi 234-na chu August 25, 2025 (Thawhtanni) zan khan SMTC-ah hawnna inkhawm neih a ni.

Training hawnna inkhawm hi Rev. H. Lalmuanchhana, Director-in a kaihrui a, inlawmna leh report te ngaihthlak a nih hnuah Rev. Lalnunmawia Pachuau, Mission Vengthlang Bialtuin training hawngin thuchah a sawi a, he hunah hian Tv. Lalramchhana, Mission Veng a zai bawk.

Tun tum training-ah hian Presbytery 12 – Aizawl Chhimthlang, Aizawl East, Chhimpei, Chhimthlang, Hmarpei, Hmarthlang, Kolasib, Ramlai, Tuichangral North, Tuirini, Tuivawl leh Tawi Presbytery atangin Kohhran Upa 45 an tel a ni.

Kohhran Upate tana Lay Leaders' Training hi kum 1996 atang khan neih tan a ni a, training-ah hian Kohhran Upate tan Kohhran enkawl dan leh inrelbawl na lam atana pawimawh chi hrang hrang bakah Kohhran thlarau lam nun enkawl dan te zir thin a ni.

Training kharna inkhawm hi August 29, 2025 (Zirtawpni) zanah neih a ni dawn a, Rev. H. Lalmuanchhana, Director-in a kaihrui ang a, Rev. R.C. Lalnghakliana, Synod Moderator-in training chhuakte hnenah Certificate hlanin thuchah a sawi ang a, Upa C. Lalmuankima, Managing Committee Member-in tawngtaisakna hun a hmang ang.

Synod Multipurpose Training Centre (SMTC) hi kum 1993 Synod-in din tura a rel angin January 12, 1996 khan din a ni a, a tira a hming chu Christian Multipurpose Training Centre tih niin kum 2001 Synod khan a hming hi Synod Multipurpose Training Centre tiin a thlak leh a ni. Synod Multipurpose Training Centre (SMTC) hnuaiah hian thalaite'n mahni kuta eizawna kawng an lo neih ve theihna tura training chi hrang hrang (Vocational Training) buatsaih thin a ni bawk a, tunah hian trade chi hrang panga – Tailoring, Computer, Mobile repairing, Beauty Culture leh Electrical te kalpui mek a ni a, zir chhuak tawh mi 1885 awmin tunah hian zirlai 105 an awm mek a ni.

□ **Kohhran ni pawimawh 'Ramthar Ni'**

August 31 (Pathianni) hi Kohhran ni pawimawh 'Ramthar Ni' a ni a, Mizorama Presbyterian Kohhran rawn dintu Rev. David Evan Jones (Zosaphluia) Mizorama rawngbawl tura a lo thlen ni a nih vangin Mizoram Presbyterian Kohhran tan ni pawimawh bik a ni. Kum 1972 Mizoram Synod Inkhawmpui chuan, Synod Ramthar Board-in, 'August 31 Pu Zosaphluia Mizorama a lo thlen ni hi Synod Ramthar Ni atan hman ni se,' tia a rawtna chu pawmin kum 1973 atang khan August 31 chu Ramthar Ni atan hman tan a lo ni ta a ni.

Mizoram Presbyterian Kohhran chuan kumin Ramthar Ni pual hian tum khat inkhawm atan programme a siam a, thupui inang tlang '**Pain kei mi tir ang bawkin ka tirh che u hi**' tih chu zir ho a ni ang.

Ramthar Ni denchhenin Synod Mission Board-a thawktute Ramthar Campaign-in hetiang hian an chhuak ang:

1. Dawrpui Kohhran - Rev. Dr. Rosiamliana Tochwawng, Executive Secretary
2. Chaltlang Lily Veng Kohhran - Rev. R. Lalhmingsanga, Mission Board Secretary
3. Kulikawn West Kohhran - Pu Lallawmnakima Hmar
4. Kanan Kohhran - Pu T.C Lalruatfela, Pi C. Lalhmangaihzualei leh Pu B. Lalringliana
5. Khawruhlian Bial - Pu K. Laldawngliana, Pu R. Lalringliana, Rev. K.C. Vanlalduha, Rev. Dr. Lalchawimawia, Pu K. Lalrammawia leh Pu P.C. Zolianzuala
6. Thuampui Venglai Kohhran - Pu HCT Chuaukhuma

□ **KTP**

August 24, 2025 (Pathianni) zan khan Tanhril MZU Veng Kohhran bultumin, MZU Zirlai Pual Inkhawm neih a ni a, Central KTP Committee, Mizoram Synod Choir leh zaithiamte nen hun hman a ni.

Inkhawm hi Rev. Benny Lalmawia, Bialtu Pastor-in a kaihrui a, Rev. H. Lalawmpuia, Central KTP Leader-in Pathian thuchah a sawi a, Mizoram Synod Choir, Tanhril Bial Zaipawl, Tv. Samuel Lalmuanchhana, Armed Veng Branch, Ni. Laldinsangi, Champhai Vengthlang Branch leh Tanhril MZU Veng Branch KTP te an zai a ni. In khawm banah Fellowship neih leh a ni.

Inkhawmah hian MZU zirlaite bakah, Aizawl College of Nursing zirlai thahnem tak an tel bawk a, inkhawm zawng zawng hi mi 540 an ni.

MZU Zirlai Pual Inkhawm hi hmun hrang hrang atanga MZU a lehkha zir, hostel-a awm ten Kohhran an belh theih nana hmalakna pakhat a ni.

❑ **Presbyterian English School (PES)**

- ◆ August 25, 2025 (Thawhtanni) khan Tuirial Airfield Kohhran PES hawn thar dil enfiahin Rev. Dr. Rosiamliana Tochhawng, Executive Secretary leh Nl. Lawmsangzuali, O/A te an kal.
- ◆ August 25-26, 2025 chung khan New Vervek Kohhran PES hawn thar dil enfiah leh PES awmsa thenkhat tlawhin Upa P.C. Vanlalhruaia, Supervisor of Schools, Pu K. Lallianzuala, Education Board Secretary leh Upa Lalthanzama, PES committee member te an kal.

❑ **Worship**

August 26, 2025 (Thawhlejni) khan Khuangleng South Kohhranah Music training neihpuin Tv. Samuel Vanlalhruaitluanga, Music Instructor leh Tv. Lalbiakfela, trainer te an kal.

❑ **Finance**

August 26-29, 2025 chung hian Kolkatta-ah Synod Finance Dept. thil buaipuin Pu Zaihmingthanga Fanai, Accountant leh Upa K.L. Manga, Income Tax Sub-committee member-te an kal.

❑ **MSSU**

August 30, 2025 (Inrinni) hian Sunday School zirtirtu training neihpui turin trainer-te hetiang hian an chhuak ang:

Tuithiang Vengchhak Kohhran : Upa K. Zoremsanga, Upa Lalrinawma Ralte leh Upa Lalchuaailova  
 Ramthar Vengthlang Kohhran : Upa Lalthanchhunga, Upa H. Lalnghinglova leh Upa C. Lalbiaksanga

❑ **Mizoram Christian College (MCC)**

- ◆ August 25, 2025 (Thawhtanni) khan Mizoram Christian College NSS bul tumin Devotion hunah 'Mental Health Awareness' hun hman a ni a. He hunah hian Rebecca Lalnundiki, Clinical Psychologist-in thu sawiin, Rilru hrisel nei tura thil pawimawh hrang hrangte a sawi a ni.
- ◆ August 25, 2025 (Thawhtanni) khan Mizoram Christian College IQAC leh Career Guidance & Counseling Cell tangkawp chuan 5th Semester zirlaite tan 'Sensitization Workshop on the Common University Entrance Test (CUET)' an buatsaih. He hunah hian Dr. Hannah Lalhlanpuui, Assistant Professor, Department of English, MCC chu Resource Person a ni a. Zirlaite chu CUET Exam an hmachhawn hun atana an inbuatsaih dan tur te, application kalpui dan tur te leh thil pawimawh hrang hrangte a sawi a. MCC zirlai kal chhuak tawhte zing atangin an experience ngaihthlak a ni bawk.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Chhingchhip Venglai	Damlo	3	₹ 30,000/-
2.	Saihapui V	Damlo	2	₹ 20,000/-
			<b>Belh khawm</b>	<b>₹ 50,000/-</b>

❑ **FM Zoawi - Aizawl & Lunglei : Hruaina Eng Radio Programme**

**August 29, 2025 (Zirtawpni) @ 7:30 p.m. :**

- Solo** : Josephine Lalawmpuii- Sinai Tlang.
- Zaipawl** : East Phaileng Bial Zaipawl - Sualin ka lo thi ta
- Thusawi** : Rev. Zonunsanga - Harsatna
- Solo** : K. Vanlallawmi - Lalpa ta ka ni
- Zaipawl** : Electric Veng Bial Zaipawl - A hnena cheng turin

❑ **Su Samachar Prasaran Programme :**

**August 31, 2025 (Pathianni) 5:30 pm. :**

- Group/Choir/Solo** : Kristian Centre Zaipawl - Tu Pyar Ka Sagar
- Sermon** : Simon Deb - Yesu masih kaun hai
- Group/Choir/Solo** : Chanmari Masihi Sangati - Mukti Dilai

□ **Hruaina Eng TV Programme**

- 28.8.2025 (Ningani) 08:30 pm : Thupui zir bing  
 29.8.2025 (Zirtawpni) 05:00 pm : Kristian Naupang Pual  
 30.8.2025 (Inrinni) 05:30 pm : Puitling Sunday School Zirlai  
 31.8.2025 (Pathianni) 07:00 am : Sermon - Rev. R. Lahmingsanga  
 08:00 am : Weekly round up  
 01.9.2025 (Thawhtanni) 08:30 pm : Luangchhuak - Lalsawmliana  
 02.9.2025 (Thawhlehi) 06:00 pm : Nilaini zan thupui  
 08:30 pm : Kohhran Chanchin - Chaltlang South Kohhran

□ **Moderator leh Executive Secretary-te Programme:**

**Rev. R.C. Lalnghakliana : Moderator**

- August 29, 2025 Central Kohhran Hmeichhe Committee  
 August 30-31, 2025 Khawbung Vengpui Bial  
 Sept. 5, 2025 Theological Education Board (TEB)  
 Sept.6-7, 2025 Zemabawk Bial, Chawnpui Bial leh Ramhlun North Bial

**Rev. V.L. Luaia Hranleh : Senior Executive Secretary**

- Sept. 1, 2025 Central India Presbytery Zirchiangtu Committee  
 Sept. 4, 2025 Service Rules & RR Enthatu Committee  
 Sept. 5, 2025 Theological Education Board (TEB)  
 Sept. 7, 2025 Central Jail - Prison Ministry programme

**Rev. Dr. K. Lallawmzuala : Executive Secretary**

- August 29 - 31, 2025 Interserve Annual General Body Meeting, Delhi  
 Sept. 1, 2025 FG&CC programme (zan)  
 Sept. 2, 2025 Nursing College Managing Committee  
 Sept. 7, 2025 Zonuam East Kohhran - Literature Campaign (zan)

**Rev. Dr. Rosiamliana Tochhawng : Executive Secretary**

- August 31, 2025 Dawrpui Kohhran (Zan)  
 Sept. 2, 2025 Home Mission North Committee  
 Sept. 4-12, 2025 Field Committee - Siliguri, Nepal, Delhi leh Odisha Field

**September 3, 2025 (Nilaini)a Synod Finance Committee-ah Moderator leh Executive Secretary-te an thu ang.**

**SYNOD BOOKROOM LEHKHABU CHHUAK THAR - JULY, 2025**

- |   |         |
|---|---------|
| 1. Pathian a awm tak tak lo em ni? : Lalramthuanga                | ₹ 200/- |
| 2. Isuan a Kohhran a ruahman dan : Dr. J. T. Vanlalnggheta lehlin | ₹ 200/- |
| 3. Hetiang chanchinte hi chhiar ila : R. Lalrinfela               | ₹ 150/- |
| 4. Tihdam I duh em? : Rev. K. Lalpiangthara                       | ₹ 200/- |
| 5. Ziak mite chanchin : Mizo Writers Association                  | ₹ 300/- |
| 6. Fate zirtirna : Lalnunzawmi                                    | ₹ 350/- |
| 7. Mittelte leh an hlate : Pu R.L. Thanmawia                      | ₹ 300/- |
| 8. Abraham Lincoln : Upa C. Lalrintluanga                         | ₹ 150/- |
| 9. Hmanlai an chang zo ta : Capt.L.Z. Sailo                       | ₹ 200/- |
| 10. Mizo tawng Inhnial thinnate : Rozama Chawngthu                | ₹ 150/- |

